



Fit per l'avegnir cun il program chantunal d'integraziun dal Grischun PCI (2014 fin 2017)!

Infurmaziun e cussegliaziun

Emprimas infurmaziuns: Tut las personas estras novarrivadas duain survegnir las infurmaziuns ch'èn impurtantas per ellas per pudair s'arranschar en il mintgadi. En quest regard èn las vischnancas obligadas da dar infurmaziuns. Quai pon ellas far p.ex. en il rom da discurs da bainvegni resp. d'occurrentas d'infurmaziun. Il chantun sustegna las vischnancas a realisar quests projects.

Cunvegnas e recumandaziuns d'integraziun: Las personas da terzs stadis che han in dretg da dimora da pli lunga vista vegnan envidadas a discurs individuals. En cas da bagegn vegnan las personas attribuidas ad ina purschida da promoziun da l'integraziun.

Center d'infurmaziun per l'integraziun a Cuira: Il center chantunal d'infurmaziun per l'integraziun è l'emprim post da consultaziun per la populaziun residenta indigena ed estra, sch'ella ha dumondas davart il tema integraziun e promoziun linguistica. Ils basegns da centers d'infurmaziun e da cumpetenz vegnan examinads.

Pagina d'internet dal Grischun davart l'integraziun: La pagina d'internet chantunala www.integration.gr.ch dat infurmaziuns detagliadas davart la politica d'integraziun, davart la vita e la lavur en Svizra – e quai en 12 linguas er sco audiodatoteca – e dat er ina survista da las purschidas da lingua e d'integraziun.

Lavur da publicitad: La populaziun è infurmada davart las finamiras da la politica d'integraziun e da la promoziun da l'integraziun sco er davart ils basegns speziels da las personas estras. Ultra da las diversas lavurs d'infurmaziun dal post spezialisà per l'integraziun è il Grischun il chantun partenari da la gasetta da migraziun MIX che cumpara 2 giadas per onn. 3 giadas per onn vegn tramessa ina newsletter electronica davart temas d'integraziun.

Material d'infurmaziun: L'administraziun chantunala e communal orientescha sia purschida d'infurmaziuns er als basegns da la populaziun da lingua estra e garantescha uschia las medemas schanzas per l'access a las infurmaziuns impurtantas.

Protecziun cunter discriminaziun: Il basegn d'ina protecziun cunter discriminaziun e d'ina cussegliaziun correspondentia vegn examinà ensemen cun tut ils posts relevants en il chantun, e quai cun la finamira da constituer ina purschida da cussegliaziun orientada als basegns. A medem temp vegn la populaziun sensibilisada per il tema discriminaziun e protecziun cunter discriminaziun.

Fit per dumagnar la diversitad: Ils posts da l'administraziun chantunala e communal promovon las cumpetenzas interculturalas da lur collavuraturas e collavuratur cun agid da las pussaivladads d'ina furmaziun supplementara correspondentia che tracta temas sco "cumpetenzas interculturalas", "dumagnar la diversitad" e "protecziun cunter discriminaziun".

Cussegliaziun da vischnancas e d'organisaziuns: Il post spezialisà per l'integraziun cusseglia e sustegna las vischnancas e las organisaziuns a planisar ed a realisar projects d'integraziun.

Promoziun da la sanadad: La populaziun estra è infurmada davart ils fatgs da sanadad e chatta in meglier access a las purschidas da la prevenziun e da la promoziun da la sanadad.

Curs per emprender ina lingua chantunala: Mintga regiun metta a disposiziun purschidas da curs da lingua adattadas e da buna qualitat per che las migrantas ed ils migrants possian acquistar las enconuschientschas da la lingua locala ch'èn necessarias per lur communicaziun en il mintgadi ed en lur situaziun professiunala.



Promoziun tempriva: La basa chantunala per la promoziun tempriva dals uffants en la vegliadetgna prescolara vegn elavurada. Las famiglias ch'èn immigradas enconuschian l'importanza da la promoziun tempriva linguistica e sociala ed han las medemas schanzas per l'access a las purschidas correspondentas da la promoziun tempriva. A las manadras da las gruppas da giuè vegnan purschids programs da furmaziun supplementara en ils secturs promoziun linguistica e cooperaziun dals geniturs.

Sistem da scola e da la furmaziun professiunala: Geniturs esters san co ch'il sistem da scola e da la furmaziun professiunala funcziunescha ed èn en il cas da sustegnair lur uffants adequatamain en lur process da furmaziun.

Promoziun da giuvenils/giuvens creschids immigrads tard: Ils programs da l'integraziun professiunala pussibiliteschan a giuvenils resp. a giuvens creschids immigrads tard d'acceder ad ina qualificaziun resp. ad ina furmaziun professiunala.

Integraziun a la piazza da lavur: Il dialog d'integraziun che ha cumenzà cun las patronas ed ils patruns sin plaun federal cuntinuescha sin plaun chantunal. Las patronas ed ils patruns èn conscients da lur responsabladad envers l'entira societad areguard l'integraziun da las collavuraturas e dals collavuraturs esters e promovon activamain la scolaziun e la furmaziun supplementara linguistica e professiunala da quellas e da quels.

Integraziun da fugitivas e fugitivs renconuschids sco er da personas admessas provisoricamain: Il process d'integraziun da fugitivas e fugitivs renconuschids sco er da personas admessas provisoricamain vegn sustegnì sistematicamain cun agid da curs da lingua e da mesiras da promoziun a favur da l'integraziun professiunala.



Integraziun en la societad: La participaziun a la vita sociala al lieu vegn promovida tras structuradas regularas, en las vischnancas, en ils quartiers, en uniuns, en raits ed en organizaziuns da la societad civila. Ils projects ed ils programs respectivs vegnan sustegnids tras ina purschida da cussegliaziun cun cleras finamiras e tras la promoziun finanziala dals projects.

Communicaziun tras interpretas ed interprets interculturalis: Per discurs spezialis, p.ex. sin il champ da la sanadad e da la furmaziun, è indispensabla ina buna communicaziun linguistica. Las collavuraturas ed ils collavuraturs d'instituziuns, sco ils posts da la cussegliaziun sociala, las scolas, ils instituts dals fatgs da sanadad u ils centers CIL èn conscients da quest fatg e consulteschan en cas da basegn translaturas e translaturis interculturalis.

Coordinaziun e collavuraziun: La confederaziun, il chantun, las vischnancas e las acturas ed ils acturs privats collavuran per promover l'integraziun. Il post spezialisà per l'integraziun dal Grischun surpiglia qua la lavur da coordinaziun e da colliaziun e creescha pussaivladads da barat correspondentas.

